

盛明雜劇二集

盛明雜劇

勾餘六桐葉憲祖編

海陽

雲倩黃之城

閱

西湖堯臣黃之堯評

蘇卿姚士望

丹桂鈿合

向氏毋錯認宗枝

妙通尼來說因依

正名

權學士興懷舊事

徐丹桂重配新知

第一折

鳳皇閣

生便服上疎窻涼透。客館衣初授。一年一度

會雙星。倒有天長地久。佳姻難湊。且隨意江南浪遊。

丹桂鈿合

高柳蟬嘶、採菱歌斷、秋風起、晚雲如髻、湖上山橫、翠簾捲、西風過、雨涼生、袂天如水、畫樓十二、少個人同倚、下官姓權、名次卿、字文長、宣州人也、叨中探花、官居學士、宦情甚淡、遂請告以言歸、逸興難銷、奈斷絃而未續、薄遊吳郡、僑寓禪林、假稱遊學、儒生無人知我踪跡、向在長安市中、買得紫金鈿、合一扇、有蓋無底、愛其古物、常帶身傍、今當七月七日、因想金釵鈿合之事、明皇太真私相盟誓、正在今夕、咳、情之一字、好纏害人也、

伯仁悼
亡相如
挑琴二
語括盡

金絡索金梧桐歡來好處兜別去牢相扣會少離多
害得人憊憊唐皇愛玉環東隴今恣風流釧合金釵
做引頭長生殿裡私盟呪絨線廂天上人間怎住休
解三醒驚分驟懶畫眉黃泉碧落兩處總悠悠寄生
子况吾儕窈窕難求宿願難酬只落得成迤逗

呀你看今夜月輪未滿清影偏多且到佛殿上閒
步一回多少是好行介忽被閒情惱徘徊夜未眠
月中乘興去還擬問金仙虛下且淡粧淨老尼同

上

大勝樂引子

旦 驀地西風動衰柳。這淒涼有人知否。

今宵特叩禪林。

淨 合 專望佛慈垂祐。

見介

旦 纖雲弄巧，飛星傳恨，銀漢迢迢，暗度金風。

玉露一相逢，便勝却人間無數。淨 柔情似水，佳期

如夢，忍顧鵲橋歸路。旦 合 兩情若是久長時，又豈

在朝朝暮暮。奴家徐氏之女，小字丹桂，少年失侶，

依母同居，只爲心有舊愿，今當七夕之期，特到月

波菴中，拜佛祈禱，妙通老師父，相煩引佛殿上拈

香，則個淨當得。引介 這是殿上，先叅了三寶。旦 拜

介淨信女徐娘、拜禱焚香、願求法力、普照迷方、想
他苦惱、湊我成雙、一個缺了長老、一個溜了情郎、

生暗上覷介

大勝樂過曲

旦慈悲主、聽訴因由、訴因由、教奴還自

醜宿生冤債、應難宥、今世裡儘生受、奴是孤辰寡宿、
無緣分、空向天邊、盼女牛、今生過也、只指望來生伴
侶、百歲相守。

解三醒

淨休只盼來生輻輳、還須有此世綢繆、
旦搖

手介這也休提、淨文君也曾遇不偶、羨求鳳凰侶同

未必即
想來生

遊。稽首介佛慈好與相搭救。配一個相如共白頭。姻緣湊似雙星此夜相對河洲。

尾聲旦這話兒休輕漏。屬垣有耳怕難收。且自歸家獨倚樓。

淨這菴中也没有甚麼人再請到小房獻茶。且不要了。母親在家相候。就此拜別。淨多慢了。且無限心中不平事。一番清話又成空。下生出介誰家女子。這般絕色。知他新寡文君。果是宜顰西子。

犯朝天子他說且自歸家。獨倚樓。滿腹淒涼意。欲

訴休。遙瞻玉臉，帶嬌羞。謾凝眸。迴身一段輕柔。頓將人意勾。

淨上纔送佳人去，還歸佛院來。見介相公還不曾

睡哩。生卑人見新月可愛，在此閒行，請問適纔女

子，是何等人家，有此絕色。淨哦，相公方纔見來。生

正是，曾見來。淨聽稟。臨江仙丹桂名兒徐氏女，生

來一貌傾城，青春無伴苦伶仃，身依慈母畔，矢志

守堅貞。生他母親姓甚麼，那裡人。淨若問萱親身

姓向，祖家遠住燕京。生可有親人來往。淨宗枝凋

謝姪初生、別來餘廿載、長此掛心旌、
說起來、只除如此如此方妙、
正是家姑、淨那有這等奇事、
相公請安置罷、生是如此、不施萬丈深潭計、怎得
驪龍領下珠、分下

第二折

臨江梅

臨江梅

老旦 每到秋來增悶懣、何堪老去辛

酸。還悲淑女乍離鸞。

剪梅

丑接 莫要眉攢、且自心

寬。

見介老旦老去悲兒女秋來感歲時人間哀苦事
都上我眉兒老身向氏嫁在徐門丈夫亡過遺下
兩個兒女孩兒重九日生叫做糕兒又癡又頑不
省世務丑譚介且自乖巧着哩老旦女兒丹桂才
貌雙全少年失伴在此相依想我舊住燕京丈夫
在京營運做下這門親出京之時我父母雙亡只
有大哥生下一個姪兒年方兩歲頗覺清秀曾把
女兒許他爲妻將紫金鈿合各分一扇以爲憑證
多年隔絕遂悔姻盟天那我那姪兒不知可有重

會的日子也沒有，正是和針吞却線，刺人腸肚，繫人心。生上末捧禮物隨介。

前腔 生欲向深閨通意款，還愁陌路無端。安排巧計把天瞞。末接得母情歡，得女姻完。

生權忠一路問來，那深巷小門，正是徐家了，你可進去通報，說是向大官打從京中出來的。末嗶，曉

得進見介。裡面有人麼？請問一聲，這裡可姓徐麼？

老旦正是。末可有個老孺人京中姓向麼？老旦老

身正姓向。末我主人是向大官打從京中出來，已

在門首了。老旦喜介。糕兒，你哥哥到了，快去迎接。
丑急走接介。生入見介。老旦各掩淚介。

哭相思 三句 骨肉生來成隔斷，重聚會歡無算。

生：姑娘在上，容姪兒拜見。老旦：行路辛苦，快不要拜。生：揖介。領命了。老旦：姪兒，我出京之時，汝方兩歲，不意這般長成，一表非俗。老身不勝之喜。你且把近日事情試說一番。生：姑娘聽稟。

刮鼓冷 嚴親賦考槃。老旦：你父親還健麼。生：髮蕭蕭。

看漸短。長只爲尊姑別久，望南雲雙淚漫。待我漸勝。

冠特來此方。重伸意款。小厮看禮物來。末送禮介。生
些須香絹愧寒酸。似採芹野老也。要薦春盤。

老旦來了。就是。何用許多禮物。丑接禮下。生請問
尊姑近日情況何如。

前腔 老旦傷心事。幾般痛。良人捐舍館。生原來姑夫
不在了。遺下幾位表弟。老旦止留下孤兒不肖。續箕
裘。事已拚。生還有一位表妹。如今在麼。老旦有女似
文鸞。爲紅顏。命薄留咱作伴。生可請相見。老旦他昨
宵風露襲冰絀。曉粧未整。還自把眉攢。

以開語
作眼口
的有針
線

如此小
詞應在

生這等說、明朝請見罷、**老旦**左則你在此多住幾
時、兄、妹之間、時常可以相見、我先送你到西堂安
下了行李、**生**尊姑請先行、**老旦**引生行、**介**老旦指
介這東邊小院是你妹子臥房、**生**應**介**老旦這是
西堂了、我陪你喫飯去、**生**領命、

廿載睽違信未通、
忽瞻英妙喜融融、

今宵剩把銀缸照、
猶恐相逢是夢中、

第三折

金蕉葉

旦上愁深怨深、
惹風寒無端病侵、
纏不煖香

花間草
堂之上

丹桂金

銷。剩。衾。靠。不。牢。花。湮。獨。枕。

秋風劣。床頭吹送聲。淒切寒空。鴈叫暮林。蟬咽夢
魂初斷。腸干結。形孤影隻。和誰說。和誰說。黃陵廟。
裡。鷓鴣啼血。奴家自七夕。焚香感傷情緒。兼冒風
寒。染成愁病。今覺稍平。表兄從京中遠來。今日欲
圖一會。只得強起梳粧。照鏡歎介

緇搭絮。瘦來難任。寶鏡怕初臨。鬼病侵尋。悶對秋光
冷透襟。最傷心。靜夜聞砧。慵拈繡絳。懶撫瑤琴。終宵
裡有夢難成。待曉起。翻嫌睡思沉。

其聲淒
以切

且待我梳頭則個做理髮嘆介

前腔乍離山枕。鬢亂難禁。試脫瑤簪。空琢鴛鴦護水。
潯曉窻深。日色陰霏。羞垂勝錦。倦插釵金。曾記詩人
有云。豈無膏沐。誰適爲容。拚一個粉褪香消。欲待爲
容枉費心。

丑內叫介。姐姐快來。母親一時害了急心。疼暈倒
在地。且怎麼好。這門也鎖不迭了。正是屋漏更遭
連夜雨。行船正遇打頭風。急下

第四折

生查子

生

瞥眼繫情腸。特地相親傍。暗裡覓機關。鎮

日空思想。

少年多好色。吾輩獨鍾情。下官自睹徐娘。欲諧佳
偶。假稱中表。徼幸相親。來此數日。他母親忽染心
疼。向在京師。曾購得妙藥一丸。名曰定神丹。專治
心疼神効。今日以子姪之禮。入堂問疾。就送這藥
丸與他。有何不可。

行介

懶畫眉

披衣款步入茅堂。問寢慙慙似猶子行。這一

丸神藥賽青囊。因他得近佳人傍。怎說欲療相思無。

異方。

呀。這東邊小院。就是徐娘臥房。喜得門開在此。我且閃將進去。

前腔 輕捱小戶。瞰蘭房。只見別院逶迤花徑長。此時徐娘想在房中。我霎時相見。訴衷腸。將他摟定。休輕放。準備如天色膽強。

呀。進到房中。原來沒人在此。好一場掃興也。

前腔 深閨寂寞。掩疎窗。一段風情空自狂。你看香奩尚啓。寶鏡未收。想他纔自理新粧。殘脂剩粉。金盆漾。

趣甚

更趣

染得羅巾撲鼻香。

房中別樣休提，只這繡帳牙床錦衾角枕，須是徐娘睡臥之所，須索消受一番。

前腔 羅幃輕罩縷金床，角枕斜捱繡被香。巫娥曾此

夢襄王，且待我倘一倘，睡介些兒蕩着消災障。笑介也笑春風樂一場。

久待不來，只索丟了，悄入蘭房喜復驚，只道巫山雲雨定相迎。我這一場春興，好似春潮帶雨晚來急。誰知徐娘不在，無奈他野渡無人舟自橫。嘆介

下

第五折

淨上 小子別號西泉、行醫三代流傳、脈訣念他數句。藥性記得幾篇。說病何曾猜着。寫方一味歪傳。不管風寒暑濕。那知蠱癩狂顛。虛癆的、與他硝黃瀉倒、悶滿的、却將參朮來煎。害熱的、一貼乾薑附子、傷冷的、喫些黃栢黃連。老人家說他驚風吐乳、男子漢說他產後胎前、醫得前街上、哭聲震地、醫得後巷裡、叫苦連天。昨日東市頭、拏我替他唱歌。

今人送
幾許名
醫國手
匾額不
若此一
點爲妙

送殯今早西市頭請我一頓硬脚粗拳專替閻羅
王發檄却與棺材店掙錢幾番耍丟了這樁道路
爭奈沒甚麼養活家緣內叫介張西泉有人請你
來了淨又是誰家悔氣早來請我張仙內介怎麼
是張仙淨送生不如送死與他一樣威權丑扮糕
兒急上心慌來路遠事急出家門張西泉那裡不
尋你誰想在這裡自言自語淨小官你家何人害
病丑家母害病請你醫治淨咦你家可曾打點後
事不曾請我去不是作耍的丑休得取笑便請同

行淨行介

駐雲飛、趲步輕挪、丑張西泉你行醫幾代了、淨三代

行醫治女科、死了醫他活、睡的教他坐、淨作不行介、
噤、何故把人拖、莫教擔閣、丑没人扯你、淨是了、昨夜
冤魂白日來纏我、吾奉太上老君急急如律令勅、我
是太上天師殺鬼多、

丑休得白日搗鬼、已到寒家門首、請進去、進介丑
你且在此略坐一坐、淨曉得、丑姐姐、扶母親出來、

老旦扮病旦扶上介、母親、

扮蝶兒二句 愁病淹纏未審何時安妥

丑 母親太醫請到了老旦 女兒你且迴避着旦 曉
得暫別堂中母須求海上方虛下丑 張西泉進房
來淨看脉諱介

駐雲飛請問尊婆可是經信遲留一月過老旦 老人
家天癸久絕了淨 口渴如歎火老旦 不渴淨 頭暈猶
捱磨老旦 也不暈淨 啖手背錯相摩怎生叅破索性
說與因緣省得胡猜個老旦 是害急心疼淨 既然是
心疼打甚麼緊一服靈丹一笑呵

丑怎麼一笑呵、淨喫了我的藥、笑一笑便好、丑不

笑怎麼、淨不笑、便用打點哭、丑又胡說了、快取藥

去、淨莫道囊中無妙藥、丑須知肘後有奇方、同下

旦急上、休說藥醫不死病、還應佛度有緣人、見介

母親、女孩兒方纔轉到房中、床上有一顆丸藥、封

袋上寫着定神丹、專治心疼神効、不知何人送至、

拏來在此、老旦這一定是神仙所賜、快拏來我喫、

喫介、喫下此藥、心便不疼了、旦拜介、謝天謝地、老

旦待我略睡一睡、旦母親請安寢、女孩兒在此相

伴、老旦睡介

燕歸梁二句生上徐母沉疴尚未瘥、勤問候復來過、

徐母害心疼、我有定神丹一丸、正要送與他、不知
失落在那裡了、想多在徐娘房內、不好去尋、聞請
醫人醫治、且去問候、則個做見旦介妹子拜揖了、
旦哥哥萬福、生姑娘病體如何、旦覺道好些、方纔
睡去、生背介今日見他、愈覺嬌媚可愛、

錦纏道謾凝眸、見佳人似瑤枝玉柯、新柳畫雙蛾、
堪憐盈盈細剪秋波、半迴身欲行、未那待開言含笑、

還合氲的粉顏。酖比那夜來時。麗兒更可嬌來。直恁多。越把我情腸牢縛。幾時得。挂影近。嫦娥。

旦背介 不想向家表兄。這般俊雅。

普天樂 羨嘉賓堪入幕。似膩粉何郎抹。天生就年少才多。當不得俊眼偷睃。抽身去麼。縱無情怎生拋得。情哥。

古輪臺 生自摩挲。仙源咫尺路無多。佳姻入手情偏懦。休教折挫。且弄風魔。拚劈面搶白一個。妹子我有無限衷腸。要對伊說破。望伊休怪我輕薄。旦背介 他

漸騁嘍囉。風情事奴也知麼。只怕傍人笑恥。老母憎嫌。欲迎還躲。脚步且延俄。難憑我。溫郎玉鏡事如何。
生急走近旦介

尾聲霎時相傍姻緣大。挽着花枝肯放過。旦推介且商量琴瑟調和。

老旦醒介甚麼人在這裡鬧炒。旦急閃下生是我侄兒來看姑娘。老旦哦原來是你方纔誰和你講話。生沒有誰。老旦既如此也罷了。生侄兒告退。老旦你去罷。老身還要睡睡。生是如此良緣剛湊巧。

好事又多磨、下老旦且住、這定神丹、只我京中有
賣的、想是我侄兒帶來、如何又在女兒房內、方纔
睡夢之中、分明聽得有人講話、怎說沒有、事有可
疑、況且當初原許嫁他、不若如今圓成此事、不在
了、女貌郎才、只請妙通老尼到來、央他說合、就是
丑取藥上、良醫思割股、妙藥可回心、母親藥取來
了、老旦我的病已好了、藥不喫罷、且扶我到後房
去、丑曉得、老旦糕兒、你明日去請妙通師父來、丑
孩兒就去、老旦起病從來須妙藥、合婚必定用良

媒同下

第六折

麻婆子淨上久濶久濶徐婆面聞知有病纏久濶久濶徐娘院教他省掛牽丑扮糕兒上領親命敢遲延疾忙去到佛堂前撞介呀撞着撞着行不遠淨啐磕破光頭沒半邊

諷語亦
趣

丑老師父你頭是好的淨只見也不疼丑老師父我母親叫我請你講話你來得湊巧淨我正來看你令堂快去說知丑母親有請老旦上

菊花新只因底事擾心田，欲倩良媒將話傳。**淨**呀有病喜新痊，愁殺我幾時不見。

見介徐老孺人聞知你有些貴恙，特來看你。**老旦**多謝費心，病已好了，有幾句話兒，要請老師父說

知。**淨**請見教。**老旦**

漁家傲我只爲兒女終身苦掛牽，**淨**正是呢，一時間

也難得可意的。**老旦**若提起可意人兒，也只在眼前。

淨在眼前，只有你令侄了。**老旦**他兩個當初許定諧姻眷，悔無端更變，今日裡才子佳人眼見得文鸞錦

鴛仗你個慈悲結善緣。

前腔淨

我也道女貌郎才不偶然。既然是舊許佳姻。

有金釵翠鈿。老旦當初曾把紫金鈿合各分一扇。以爲憑証。淨當初聘物應難見。老旦出合介鈿合現在。要配上那一扇。就把女兒嫁了他。淨接合介合當方便。我本是蕭散孤星。替你做和合大仙。兩片分張一處圓。

老旦就煩你到西堂。與我侄兒說合此事。淨曉得。

老孺人請便。老旦請了。不須多囑付。淨原是會中。

人、老旦先下、淨略轉介到此、已是西堂、待我咳嗽
一聲、嗽介生上

番卜算相見未相親、轉覺情難遣、思量欲待覓良媒、
沒個人兒便、

淨笑介人兒倒有、個在這裏、不知便也不便、生笑
見介被你聽得了、老師父許久不會、今日何來、淨
貧道此來、專爲相公喜事、生有甚麼喜事、請道其
詳、

桂枝香淨荒菴東院、名門淑媛、纖纖楊柳、如眉灼灼、

桃花爲面。想郎君此日。想郎君此日。脚跟無線。堪爲
姻眷。與你結良緣。鳳卜諧佳契。鸞膠續斷絃。

前腔

生 你菩提心善。多行方便。問伊南國佳人。可似

東家仙眷。低唱儻娘行見許。儻娘行見許。遂吾心願。
何勝歡忭。好難言。淨 相公。但說何妨。生 欲覓嬋娟貌。
還同姑射仙。

淨 你要像那一個纔喜歡。生 不瞞老師父。得像這

裡表妹方好。淨 若論容貌。却好相像。生 要甚麼聘
財。淨 不消別樣禮儀。他家有半扇金合兒。配得上

的就嫁他。生借合一觀淨出合介。生看介背介呀。這半扇紫金鈿合與我京中買那半扇却好是一箇。且待我問他。轉介老師父他家要配這合兒。必有緣故。便請說知淨。

大送鼓他先年家住燕曾和中表約定姻聯各將鈿合分一扇。如今難得再團圓。若得圓成。便是宿緣。

生背介我只說這半扇合兒原是聘財。就是了。轉介。

前腔盟言曾在前。向桌上取合介。篋中鈿合寶色依。

然。淨湊合介果然是一個生鳳雙鸞匹緣非淺。雌雄
今已合龍泉。若見佳人喜有萬千。

淨倒來哄我就是你表妹桂娘子。難道不曾相見。
生背介原來就是他。天從人願樂不可言。轉介請
問幾時成親。淨你兩個孤男寡女等甚麼日子就
是今晚中秋佳節罷。生笑介更妙更妙。

溫嶠曾輸玉鏡臺。圓成鈿合更奇哉。

百年夫婦今宵合。一段姻緣天上來。

淨先下生權忠快到當舖裡賃一套儒衣拜堂內

應介曉得了、生怎麼有這等奇事、樂哉樂哉、

第七折

傳言丑女 老旦丑上 徙倚堦除、還怕有緣難遇、問良

媒何緣間阻、淨佳姻說就、轉堂上回言慈母、見介老

旦老師父、親事成否若何、淨出合介、只看湊成鈿合、
好姻重續。

老旦喜介好姻重續、使老娘不勝之喜、還在幾時

畢姻、淨喜遇中秋佳節、就在今晚了、老旦糕兒快

請姐姐梳粧、外邊整酒席伺候、丑喜唱哩囉噠介

下生巾服上

西地錦假侄今成真婿翰林且改寒儒這場姻契從
天付何勝暗裡懽愉

見老旦揖介尊姑拜揖淨笑介鈿合從來問有無
休將丈母認尊姑人間多少成婚配笑我尼姑到
底孤老且笑介老師父出口成章就煩你做個賓
相淨當得賓相從來男子做今朝權當是尼姑不
是尼姑多攬事只因淨丑沒工夫請新人上堂老
旦休道本相丑扮糕兒貼上扮梅香扶旦上

前腔繡閣粧成催赴。華堂香靄金爐。佳姻曾註鴛鴦簿。神仙喜會蓬壺。

淨照常唱禮交拜介丑貼酌酒生旦送介生

畫眉序銀燭燦芙蓉。瑞鳴微歎麝煙浮。喜紅絲初結。寶合曾輸。淨合何郎俊才調凌雲。謝女豔容華濯露。合月輪正值團圓暮。雅稱錦堂歡聚。旦

前腔粧罷柳眉舒。結束新裁翠羅襦。效雙飛文翼連。理芳株。老旦合慚弱女名擅金閨。願快婿身登玉署。

合前

外扮欽差官捧詔衆引上一封丹鳳詔飛下九重
天聖旨下老旦旦淨丑貼俱下末扮權忠替生換
冠帶接詔介外讀詔介聖旨已到跪聽宣讀奉天
承運皇帝詔曰輝煌盛治端有賴於詞林經濟弘
才不宜置之散地翰林學士權次卿請告已久衆
論皆推茲特遣中書省舍人召爾還朝復任仍將
不次擢用詔書到日即便起行欽哉謝恩生叩頭
謝恩介天使大人請到館驛駐馬下官明日洗塵
外王程緊急不勞了君召不俟駕生指日便登程

外別下老旦旦淨丑貼復上老旦不知賢婿姓權却是朝廷貴臣爲何假稱舍侄光降寒門其中事體就請說知生揖介岳母恕罪了

滴溜子

禪林裏禪林裏夜來款步佳人的佳人的暗

中厮覷因此托名親故三生幸有緣欣成眷屬老旦畢竟鈿合何來生偶爾都門得此韞櫝

老旦原來如此

淨笑介老孺人姻緣分定管甚麼

是真是假姓權姓向招得這樣風流俊雅翰林學士做女婿須不辱沒了你的女兒老旦老師父說

得有理。衆唱。

鮑老催。畫堂錦簇。笙簫沸湧。吹豔曲。神仙隊裏香馥。郁居玉京。佩銀魚。棲金屋。風流富貴。天生福。郎才女貌。非塵俗。且自把冰絃續。

雙聲子。香飄粟香飄。粟看桂影婆娑。綠月滿。屋。滿屋。漸轉上欄杆。曲歡笑足。歡笑足。更相祝。更相祝。願齊眉。廝守百歲和睦。

尾聲。文君司馬傳芳躅。千古風流還再續。謾比淫風。汚簡牘。

瑤天萬里月初圓。

此夜文簫駕彩鸞。

不向長安買鈿合。

天涯骨肉浪悲歡。

素梅玉蟾

盛明雜劇

勾餘六桐葉憲祖編

新安

端木汪楷

閱

西湖林宗沈泰評

明卿姚文謨

素梅玉蟾

寶二郎驚散姻緣

金三舅別聘嬋娟

正名

鳳司理登科歸娶

楊素梅守志重圓

第一折

滿江紅

生木落庭臯。樓閣外形雲半擁。偏則向淒涼。

書舍早將寒送。眼角偷傳傾國貌。心苗曾倩多情種。

前人說
不到此

問嬌娘何日赴佳期。成歡寵。

點絳脣

新月涓涓夜寒江靜山銜斗起來搔首梅

水真雪
態

影橫窓瘦好箇霜天閉却傳盃手君知否亂鴉啼
後狂興濃如酒小生姓鳳名來儀字梧賓武林人
也年少能文家貧未娶母舅金三員外贈我燈火
之資在此吳山左畔賃下園亭一所與契友寶尚
文兄弟同任讀書近日他們暫往姑蘇止留我在
此一月前東隣樓上忽有女子凭窓而立小生瞥
然見之驚若天人他那裡有角門與此相通有一

侍女名曰龍香、雅秀多情、偶來亭畔採菊、揖而問之、方知此女姓楊、小字素梅、不特姿容艷絕、兼解詩詞、因此常以書札相通、頗蒙酬答、昨日寫下情詞一幅、將玉蟾蜍鎮紙爲信、央浼龍香寄去、求訂佳期、未知允否、只待龍香到來、便知端的、這般時候、他也該來了、

女冠子

小旦 雙垂金雀鬟、初櫛情事、裏早輸儂才郎、倩把情詞送、今宵准許佳期共、

見介 生 龍香姐你來了、我好盼望得苦也、小旦 鳳

官人。怎麼樣。盼望。怎麼樣。苦。試說一番。生

宜春令 桃源路信未通。盼佳音還愁落空。自卿離側。

終宵欹枕難成夢。頻側耳落葉風敲。偷着眼開簾竹。動料應良宵有約。翠圍珠擁。

小旦 多勞費心。只是我姐姐太驚強些。生 慌介。怎

麼驚強。快請說。小旦

前腔 他窺青簡。變玉容。惱了鬟。氲的氣。冲是誰輕薄。

淫詞一幅將何用。生 他在樓上也曾眼睜睜的看來。

小旦 你說有緣法。月下逢。崔他道沒意味。牆頭窺宋。

二語可與隔牆花影動。疑是玉人來並傳。

特教風情打疊到會家吟詠

生哭介天囉，這般說，可不害殺了小生也。小旦笑
介官人慢哭，還有好話在後。生既有好話，快說來。
小旦嘆，好容易大着嘴子，快說來，快說來，陪一箇
小心，不得。生陪笑介是我差了，跪介我的親娘，有
甚麼好話，對鳳來儀說罷。小旦扶介你且起來，我
姐姐初時不允，是我再三攛掇，已許下佳期了。生
幾時。小旦在明年。生哭介若在明年，小生左則害
死了也。小旦好箇膿包的秀才，你聽說。

卡符紅
娘

三學士說向私情全未懂爲伊費盡詞鋒佳人到此
纔心肯才子生來却運通約定夜來成愛寵黃昏後
魚水同

怨天忽
笑情景

妙

生笑介虧殺我救命的姐姐鳳來儀好喜也

前腔謝你恩深當拜捧積些救命陰功隔牆欲待初
更月開戶還迎少女風莫謾濡遲宵漏永專相候牆
角東

小旦官人我去了生替我多多上覆你家姐姐干

萬不可負約小旦這事不須瀟付官人切不可放

聞人在此打攪。生隨他甚麼人也要撚他去。

密約多諧月下。

佳期准在星前。

但看文鸞配鳳。

莫教野鴨驚鴛。

第二折

掛真兒

旦暮靄初收。新月皎幽閒。處暗惹情苗。密約

曾申。佳期已訂。謾對綠衣羞道。

桃源憶故人

玉樓深鎖薄情種。清夜悠悠誰共羞。

見枕衾鴛鳳。悶則和衣擁。無端畫角嚴城動。驚破一番新夢。牕外月華霜重。聽徹梅花弄。奴家楊氏。

但論非
具使骨
不能道

小字素梅、早失椿萱、身依兄嫂、偶因刺繡樓中、窺見西園一箇書生、天然俊雅、不覺動情、他也央我侍兒龍香、書詞來往、昨日忽寄情詞、欲諧歡好、奴想貞姬守節、俠女憐才、兩者俱賢、各行其志、已曾約定、今宵與他廝會、你看這天氣、又早夜了也、小旦上良宵今寂寂、好事已匆匆、姐姐、大官人大娘子都收拾睡了、我們早些去罷、旦想起來有些害羞、意欲不去、小旦姐姐、你不去不打緊、只是連累龍香、謊了一箇、謊後來害死了、這秀才地府中、還

要攀我。旦你只管自家的來。世再不管我。終身小
旦甚麼。終身嫁了他。就是。旦道般說。我便依你走

一遭。小旦姐姐請行。旦行介

一江風拂雲翹。再整新妝。好離却香閨悄。小旦合步

休避夜短情長。好會應須早。待我開了這角門。開門
介柴扉掩自牢。柴扉掩自牢。輕開犬莫嚎。指介那邊
有燈的就是他書房了。看咫尺是祇神廟。生上

前腔夜迢迢。月滿花間道。盼殺音塵杳。呀。角門開。賊
地人行。定是他來到。遇介喜介神仙下碧霄。神仙下

碧霄虹霓擲綵橋。快請進書房去。這書齋微幸做巫山嶠。

小旦送你到此。我自去了。
旦略轉轉就來。小旦曉得。鳳官人放從容些。不要驚了他。
生曉得。小旦出介。好生頂上門。生閉門。介閉門。不管窓前月。小旦分付梅花自主張。下生我的姐姐。則被你想殺人也。

二 猶桂枝香。桂枝香頭。朱樓雲渺。玉人天表。終朝搦損情腸。何意得諧歡好。
旦 四 蔣花英標。樓頭暗窺意。

且打蓮
扇

轉搖芳詞密約，奴自曉托終身君莫拋。
生戲旦介

羅袍斜偎玉臉，幽香暗飄。輕鬆羅帶，春情怎饒。
旦推

生介：桂枝香尾，再把盟言設，方成鸞鳳交。

小生丑急上

不是路，自別同袍，屈指光陰兩月遙。停歸棹，月中乘

興，把門敲。
生旦慌介外面喧嚷，有人來了。
生推門介

我推住門，你滅了燈。
旦吹燈介小生敲門。
生敲門

的是誰。
小生小弟寶尚文。
丑喊介小弟寶尚武。
小生

念吾曹自憐，久濶縈懷抱。今喜初歸，與你話寂寥。
丑

一派景
况典致

插為知

已大堪

所絕

供歡笑一尊、三白同消、繳莫嫌相攪。莫嫌相攪。生

前腔 別後情搖、甚欲相迎、叙久要、貪眠早、夜來恕不

整衣毛、

小生 鳳兄、寒舍非遙、過談甚便、兄與素豪、今

夜何故、落莫、生荷相招、高眠百尺、非桀傲、欲冒風寒

頗憚勞、丑怒介 鳳兄、你當真不起來、莫怪小弟粗鹵、

打進門、來了、生慌介 低聲向旦介 不好了、打進門來、

必然事露、姐姐你且躲在牀後、待我出去打發他、旦

躲介 生寶二兄、休焦躁、從容整頓衣冠好、啓門相叫、

啓門相叫、

見介入室中無火、待我搭上這門、扣門介同到月
明中、坐話一番、丑坐話甚麼、且到寒家呼盧浮白
去、生小弟不耐煩、丑管你、不耐煩、扯了去、小生扯
介生不肯行介丑推介今夜一尊酒、且與共論文、
同下旦徐出介喧聲漸息、想是他們都去遠了、這
場喧闐、好驚殺人也、

長拍 剗地喧呼、剗地喧呼、無端狂少打散我、一場驚
攪雲籠雨、蓋霎時間、霧釋冰消、須悔女輕佻、怕到頭
事露、此身難保、窺介且向窓櫺偷覷着、看月影上花

梢他在誰家宴飲還不到眼見是浮絲浪絮薄倖根
苗。小旦上

短拍遠寺鐘鳴、遠寺鐘鳴、隣家雞叫、怕宵行、露冷風
瀟。想那鳳官人與我姐姐呵、香煖護鮫綃、有幾度被
窩春鬧、呀好怪、怎麼這門兒外面搭上在此。旦聽介
外面的不是龍香麼、小旦正是我、旦快開了門進來、
小旦開門介、呀、姐姐、爲甚的歡娛起早、獨自箇影寥、
寥。

旦那裏是起早、一夜裏還不曾睡、小旦那人兒到

那裏去了、
旦咳、

尾聲 你轉身時人狂叫、
小旦是是甚麼人、
旦高陽酒

客強相邀、把我閃落在蕭齋魂暗飄、

小旦怎麼有這等事、姐姐還在此候他、一候麼、
旦還說甚麼候、他快回去罷、驀地魚舟驚比目、
小旦霎時樵斧破連枝、
下生做醉態急走上

縷縷金 狂朋侶共酩酊、幾番辭別去、不相饒、
到的歸來也、東方將曉、
急走閃介待疾忙奔去路蹊蹺、
園林

隔雲嶠、園林隔雲嶠、

到介呀怎麼門兒開在此間、急進叫介姐、姐、姐、姐、
小生、回來、了、怎麼不見答應、慌介尋介不好了、原
來回去了、哭介天殺的寶二、兀的不害殺我也、天
囉、這段姻緣、小生費盡了千思萬想、纔得成就、一
場到手的、買賣、平白地拆開去了、鳳來儀、鳳來儀、
你好薄命人也、頓足哭介

尾犯序辜負可憐宵、痛殺書生、直恁緣薄、入手姻緣、
忽驚分這遭、指介堪惱、打開我雲酣雨密、拆開我鸞
顛鳳倒、還只怕雲英心嬾、不肯赴藍橋、

再央龍香去說、或肯再來、亦未可知、困倦之極、少
睡片時、天囉、鳳來儀好苦呵、**哭下**

第三折

小旦上不如意事長八九、可與人言無二三、我龍
香爲我姐姐與那鳳官人、佳人才子、兩意相投、在
中間撮合、昨夜裏往赴佳期、誰想被兩箇狂徒、驚
散了一場好事、你看姐姐這般時候、睡着不起來、
好悶、殺人也、待他起來、攛掇今晚再去、就是、**旦上**

憶秦娥無聊賴、昨宵忽地遭驚駭、遭驚駭、內言不出、

爲人須
爲賊

自今須戒、

見介小旦姐姐、姐姐、只怕戒不定、旦且看我狠性子戒、

起來。小旦姐姐、你再把昨夜光景、說與龍香知道、

黃鶯兒

旦羞臉好難揣、乍相迎、擺不開、訴他情事因、

咱害、今宵到來、歡情滿懷、再申盟誓、如山海、鬧哈哈、
須臾拆散、終夜守空齋、

前腔

小旦聞說更疑猜、旦猜甚麼、小旦緊心情慢擺、

劃那時狂與怕、他難擔待、銀牀乍挨、羅襟便開、些時
瞧着雞兒快、旦搖頭介、真箇不曾、小旦縱遲、捱春痕、

情越逼
真若身

一縫也着指尖揩。

旦啐、這丫頭一發胡說了、小旦既不曾、今晚再去

罷、旦今晚再去、你在外邊瞧人、小旦這也使得、老

旦扮老嫗淨扮從人隨上老身馮氏、居住錢塘門

裏、楊家女兒、是我外甥、今日特來看他、淨到此已

是楊家門首、老旦我們逕自進去、進介旦見介原

來外婆到此、老旦兒、我來非爲別事、只爲你父母

雙亡、無人倚仗、年紀長成、姻緣未偶、特來接你到

我家去、就在我那裏許聘、還覺易些、旦背與小旦

介這般去了、怎生發付那人、旦轉介告外婆、容甥
女收拾衣裝、遲幾日去、老旦有甚麼收拾、我親到
此、就去罷、小旦今日不宜出行、再揀箇好日子去、
老旦今日黃道大吉、我是揀了來的、小賤人也來
插嘴、好打、小旦背與旦介姐姐、只得去了、罷、老旦
先行介甥女隨了來、旦小旦淨隨介老旦

簇御林因孤女、每繫懷、美姻親、不早諧、應知女大須
擔帶、在左畔、也好相禁戒、合莫遲挨、錢塘近也、相倚

共歸來、旦背介

前腔 行徧速、意轉乖、怎輕拋、可意才、回頭幾徧愁凝。
黛還不了這段風流債。
合前下

第四折

紅衫兒 生上 追思那夜、未得親沾惹、驀地分拆、是我
無緣也。幾番空自嗟、還指望再敘歡悅、把衷情試說。
誰道他改換了枝節、怎生般割捨、怎生般割捨。

小生與素梅姐、自從驚散之後、尚圖重整歡娛、盼
望連朝、杳無音耗、早間人說、外婆接他去了、不知
他幾時歸家、好悶殺人也。
末上 忙來承主命、特請

赴春闈見介生金旺你來做甚麼末小人承老員

外之命春闈在邇特請官人上京應舉生再遲幾

時去罷末員外已顧下便船今日卽行不宜遲誤

生背介怎麼好舅父之命不可有違只是撇那人

不下末官人請行罷生

三換頭同心未結是我姻緣薄劣况會親厮會怎生

撇下些我若還少住歇待歸來少不得再相逢陽臺

夢叶行介閃殺春闈也待留難訴說合謾自登程只

見那愁思凝漢闕

曲俱真
已妙甚

前腔 末男兒氣奢閒情總撇。鞭梢指也任雲山萬疊。
指日榜頭題徹。那其間應自有玉樓人彩毬輕惹。莫
把行期誤。暮煙林外遮。合便請登程。只見那祥雲騰
漢闕。

飄飄朔氣先成雪。黯黯長途欲暮天。
正是鴈飛不到處。果然人被利名牽。

第五折

宰地錦襜外上傳家無子歎伶仃。幸有多才似舅甥。
聞知馮女貌娉婷。特遣冰人繫赤繩。

自家金三員外便是，老年無子，只有外甥鳳來儀，年少多才，是我撫養，與自己孩兒一般。如今已打發他應試去了。聞知錢塘門裏馮家有一女子，才貌雙全，欲聘與他爲妻。已會央人說道：今日吉辰，正當過聘。寒家原有白玉蟾蜍一對，頗稱寶玩，一箇與了外甥。今將這一箇加在金釵寶釧之外，俗名壓釵，媒婆怎不見到。丑扮媒婆雜扮金與同上。做媒爲活計，納聘作生涯。見介外金與到後堂捧聘禮出來，雜略下。卽捧聘禮上。聘禮在此。外煩你

將此聘禮送到馮宅，丑理會得，領命就行，外眼望

旌捷旗，丑耳聽好消息，外先下丑雜捧禮行介丑

前腔金釵寶釧價非輕，三脚蝦蟆要變精，雜這是白

玉蟾蜍，丑錢塘門裏近西城，就是馮家舊有名，

待我叫一聲老孺，金家聘禮到了，老旦上

前腔金翁曾此說姻盟，聞有才郎近長成，今朝納聘
過門庭，頓使蓬茅喜氣生。

見介丑雜金三員外，多多拜上馮老孺人，特送薄

聘在此，伏乞笑留，老旦何煩許多厚禮，收下就是，

收介丑雜金員外還有說話

玉山頽

貧無將敬禮輕微聊申薄情老旦好說丑雜

愧兒郎未擅才華喜淑女最多嬌艷今成姻契老拙何當欣幸合待得攀仙杏趨歸程仙郎仙女會蓬瀛

前腔

老旦叨蒙佳聘感高情須當拜登丑雜不敢老

旦喜才郎洵美爭誇念弱女爲容難稱不遺葑菲宿世天緣會訂合前

兩家都是好門楣
結下朱陳事更宜

欲待洞房花燭夜
但看金榜掛名時

第六折

七娘子

生

桃花色映宮袍染。醉東風君恩乍霑。密約

難忘。麗情頻念。當時恨殺。遭驚閃。

觀光來上國。乍着官袍綠。憂喜復相兼。人心苦不
足。下官到京應試。叨登金榜。官授福州司理。功名
頗覺遂心。只爲那人情事未諧。時常掛念。待我便
道歸省。央媒議親。或者還有成就日子。正是不喜
得福州。喜得此耳。前日差金旺回家報喜。待他轉
來。便好起程。想他不久可到也。末上回家因報喜。

接主爲迎親、見介生、金旺、你來了、路上辛苦、末不
敢、老員外聞知相公高中、不勝之喜、先曾聘下夫
人、專待相公榮歸畢姻、生驚介、怎麼說、替我聘下
夫人了、姓甚麼、末、錢塘門裏馮家小姐、才貌雙全、
生惱介、老員外好沒要緊、慌做甚麼、末、呀、這是老
員外好意、相公何故反怪、生、其中有箇緣故、你不
知道、且去收拾行裝、明日起程、末、噯、理會得、下生
素梅姐、如今真箇與你沒緣了、

普天樂 沒緣法、這情債、前生欠、風流簿上、把虛名點、

情語淋
漓直可
壓倒寶
甫東籬
單

嬌模樣對面空瞻。憇滋味到口難沾。喜得跨春風。鞦韆打點着正娶。明婚吾非忝。咳。沒來由。比翼先拈。把香窩。厮占。負多嬌。此情生死還念。

姻事雖成。心事違。

新人歡喜。舊人啼。

幾回就裏添惆悵。

說與傍人那得知。

第七折

霜天曉角。旦擔愁着悶。沒處求音問。可奈婚期漸近。無人處。暗銷魂。

醉太平。瑤臺露凝。疎窓月明。那堪天外鴻聲。有愁。

俱不可
對人說

人怕聽。迢迢夜清。潛潛淚零。爲他無限傷情。問天公。怎生奴家與鳳郎。自驚分之後。久留外家。不想外婆受了金家聘定。我的姻緣絕矣。還望鳳郎。再通音耗。相見有期。昨日媒婆來說。金家那人中榜歸娶。一家人都替我歡喜。誰知我好生愁悶也。

小桃紅 謾思往日暗傷神。只爲着憐才俊也。到夜深時。向巫山特與送行雲。許定了結良姻。誰知道霎時間被驚分。便移家眼見他難隨趁也。怎能教再叙慇懃。從別後絕音塵。知何處是溫存。

下山虎再諧秦晉。別縮朱陳。道是良緣分。怎由妾身。

那人兒遠隔天涯。蹉跎未婚。盼望重逢。心上人傳得日邊信。金榜題名喜氣新。釐得姻期近。怎不斷魂。枉教奴想念當時且自親。
小旦上

蠻牌念休得把眉顰。請自拭啼痕。見介旦你教我休

得眉顰。怎生撇得那人阿。**小旦**聘非金氏子。**旦**是誰。

小旦爲結外家姻。**旦**甚麼外家。**小旦**是他外甥。或者

就是那人。**旦**怎見得便是他。**小旦**聘物禮有些。厮認

旦認得甚麼。**小旦**玉蟾是一對奇珍。**旦**那有這事如

今玉蟾在那裏，小旦我還怕匆匆的看未真，袖將來與伊比並休渾。

付蟾旦看哭介

前腔念舊怎憐新，覩物更思人。小旦姐姐，你那一箇

玉蟾在那裏取來比一比看。旦向懷中取出介玉蟾，懷內揣試與辨虛真。小旦呀，果然是一對。旦物相似也，難盡信，沒人去竊探根。因小旦竊探得是便，怎麼不是便，怎麼。旦若是那多情種，好會親儻非他，儘拚

玉碎珠湮。

小旦龍香倒有箇處置在此。旦怎麼處置。小旦少不得迎親之日，媒婆先回話，那時扮做他的女兒，隨了他去，看得果是那兒，卽忙回來說知就是。旦如此甚好。小旦

尾聲青衣試探青鸞信。旦割不斷那人情分。小旦管取昔日劉郎重問津。

仙郎畢竟是還非，
淑女心中信復疑。
若使新官爲舊主，
從今折證此佳期。

第八折

玉女步瑞雲生傳言玉女衣錦榮歸，早是暮冬天氣，

瑞雲難擺脫是姻期近矣。

顰有爲顰，笑有爲笑，笑裏還顰，姻緣不到，下官領
憑赴任，便道歸家，母舅聘下馮家女子，選定今日
畢姻，咳，只是我那素梅姐，丟他不下，如何是好。
丑
上領將馮宅語，回覆貴人知，馮老嫗親口許下今
日迎親，那女兒不知爲何，只管唧噥，這也管他，不
得，且去回話則箇。
小旦急上做媒的老娘，等我同
去。
丑
呀，龍香姐，你爲何而來。
小旦
我要去看一看。

新郎君、只當是你的女兒、帶我同去。
丑阿呀、折殺老身、同去就是、轉灣摸角、到此就是、
小旦你先進去、我在門外張一張、
丑是如此、先見生介、
生媒婆、迎親之事、如何說了、
丑馮老孺人許定了、
小旦覷介、
低白原來就是他、
生見介、
媒婆隨你來的是誰、
丑是老媳婦的女兒、
生背介、
門外覷的好似龍香、
媒婆在此、不好講話、
轉介媒婆、且到後堂茶飯去、
丑應介、
下生接小旦、
介呀、原來果是龍香姐、
小旦鳳官人得官回來、打點迎親、你好喜也、
生歎介、咳、

龍香姐下官心事一言難盡。

啄木兒驚拆後長痛悲。無柰功名遊帝里。投至得幸
掇巍科。便指望再諧連理。舅翁在家先求配。無端做
却馮家婿。這段姻緣心事違。

小旦原來官人也。曾想念我姐姐。生你家姐姐好
麼。將他別後事情細說一番。**小旦**我姐姐呵。

前腔相思病難自持。脈脈懷君憐隔水。生正是他到

外婆家去了。沒處通箇音問。如今他在那裏。**小旦**以
後的話都說開了。**生**爲何。**小旦**你做了馮女仙郎。他

快甚

做了金宅嬌妻。生慌介嫁了那箇金家。小旦說來一般都蒙昧無心打合真奇異你媽的馮家女子正是我姐姐他嫁的金家就是你了。出玉蟾介你看這白玉蟾蜍先唱隨。

生喜介世間有此奇事使我喜而欲狂。小旦姐姐教我來打探說道不是官人要尋自盡如今卽忙回去報他好梳妝相待。生正是快去快去。小旦暫時分別去。生少待又相逢。小旦急走上。生金旺快催鼓樂迎親去。雜四人持鼓樂淨扮賓相丑扮媒

婆同上導生行介

出隊子 笙歌聲沸。幾道華燈步輦隨。仙郎馬上綠荷衣。爭羨風流世上稀。**合** 接取仙娥彩鳳竝騎。

旦用錦袂蓋頭小旦隨上生接近串走介旦

前腔 慵描眉翠。聞說因由梳掠遲。輕籠蜀錦把頭低。覷介偷揭香簾認是誰。**合** 前

淨照常唱禮交拜介旦去錦袂小旦丑送酒介生

降黃龍 合 香佳期。歲序將除。甲煎香沸。紅搖燭影。越恁端相。玉潤珠輝。須知天緣宿世。算今朝會合偏奇。

好一似驚弦宿鳥。竟遂于飛。

前腔

且蛾眉昔處深閨。只爲憐才。許諧幽契。姻緣未
偶。那更分張海角。天涯誰知。終成婚配。低唱到書齋。
那事羞提。只虧那玉蟾有意。巧做良媒。

老旦淨扮婦人持燈上。金員外。差我們送新人入

洞房。小旦丑持燈同送介。衆唱

滾遍

初開東閣梅。初開東閣梅。片片瓊花墜。繡閣春

濃。難着輕寒意。銀燈吹滅。香闥雙閉。合那時節。說不
了情和美。

小旦背唱

前腔輕將纖手携，輕將纖手携。欸送秋波媚，錦帳牙
牀穩。捉鴛鴦對任他人，叫難驚嬌睡。合前

尾聲花開四季皆春意，況生在江南樂地。莫怪詞仙
信口題。

從來女俠會憐才，到底姻成亦異哉。
也有驚分終不偶，獨含幽怨向琴臺。